

王焱 編

# 日本漢文學百家集

212



北京燕山出版社

王焱 主編

日本漢文學百家集  
212



北京燕山出版社

第二二册

恒庵文稿 四卷 天沼恒庵著 文化四年……………一

桂林詩集 六卷 三繩桂林著 享和元年……………二二九

恒菴文稿  
上



恆菴文稿序

履仁與余為方外之交者殆三十載于茲。不以離合易其情也。屬者余以公事數至江左。所識滋多。論其舊則唯履仁而洪卿次焉。甲寅之秋又被

台至舍館不定。履仁處己室。  
居之。洪卿左右之。使安衣鉢。  
猶我也。諸所藏各供用。服勞。  
皆二人。是由於是乎。衣鉢之安。  
不翅猶我也。衰朽之躬。千里。  
羈旅。為幸也。亦大矣。履仁。川越。

人。受伊藤氏之託居江戸。江戸  
繁華功利之地。使履仁挾其  
所能以媚世。車馬絡繹門前。而  
屢滿戶外矣。尚何遑為余輩  
下一榻哉。願獨恬退清靜。塊然  
自處。諸所往來。止問字討玄之

倫身。即余輩在其間。與蓮社  
之交。緇素無以異也。日聚頭一  
室。所談論者。山水勝槩。典故  
風騷。間有道不同而相為謀  
者。適從客謂余曰。爵也無似於  
世。無所恃。無所求。佳息乎。篇籍

之圃。口哦筆抄。以適吾心。以  
終吾生。斯足矣。有所輯錄數卷。  
師其為我序之否。未取而披  
之。則從昔曾檢覽以來。累數百  
首。志不渝而學日進。風不變而  
格益上。良可嘉也。履仁實有

才ヲ使シ其ヲ俾シ有テ餘裕。得レ肆ル其ヲ  
才ヲ於シ其志。其所造ル固シ不可レ量ル。  
碩テ乃シ坎ニ壘シ東西ニ營シ生シ朝夕ニ志シ  
有テ餘ヲ而シ力ニ不足シ。不得レ不レ為ニ之カ。慊シ  
慨セ雖然シ恬退シ清靜シ塊然シ自處シ。  
其所ニ進ス取ル不レ在レ彼ニ而シ在レ此ニ。則シ

又豈以窮達較其成否乎哉。  
且也。歲僅踰知命。不<sub>レ</sub>忘其初。  
是其所造。果爾。不可量。余老  
矣。不及追<sub>レ</sub>末者。此行也。幸<sub>レ</sub>主  
東道。日聚頭一室。可不贈以  
言乎。遂為恒菴文稿序云。

寬政六年甲寅十月丁酉

淡海竺常撰書于江戶

之寓舍

附諸名家贈言

處士恒菴天先生壽藏碣銘

先生名爵字履仁一字樂善號恒菴其先天野氏世居  
參之西尾至盛定者從酒井侯守武之仙波其子吉勝  
隱于高麗郡天沼而為農焉遂以天沼氏後遷于州之  
川越生吉明是為先生高祖吉政次之頗好學從性理  
家受業又能連歌吉政生吉晴吉晴生淨還吉晴時家  
已貧遺淨還之江戶服賈而淨還性剛朴不好贏利事  
去就士流學武能擊劍嘗遊四方試其技又好救人之  
難飲其德是以家益貧娶中村氏以寬保癸亥十二月  
十二日生先生于城中之神田初名有美字子濟生八

歲入華岡藤氏之門傳書法又授經於淳夫三浦氏學詩於文翼劉氏年十八從華岡氏遊學京師見終南禪師禪師以為可教示以詩文名稱之法先生書與詩早已有名年二十一華岡氏以其能書養為義子冒姓島氏蓋島者華岡氏之本姓也是年七月七日先生仕于大府為步軍士頃之進為伍長然其為人質而廉靖而遠不栖栖於微祿一旦棄職歸川越居其墨池菴者集徒講學遂復本姓裁為天氏事母謹孝娶時田氏久而無子先是聞中上人來自伊勢為文字之遊遂介上人通書見知於近江蕉中大師其後再遊京師親謁大師尸祝而業大進有恒菴文稿四卷大師序之先生年二

十六喪父四十二喪母其辭職之明年華岡氏亦歿無  
後門人無所取裁於是相共迎先生於華岡氏故居容  
衆堂問書學講經義從遊日多遠近無不稱其學其行  
焉然先生平常食不貳味妻衣不曳地無好色於目無  
樂聲於耳恬淡寡欲其實可見也既表華岡及其父母  
墓碣又寄金其院以奉其祠修香火事施財不吝奉先  
不私其廉可見也辭祿而家居無嗣而不憂誦咏以娛  
其靖可見也今茲先生年五十二既預終焉乃卜華岡  
氏之墓側三尺為佳城吁嗟見生如寄思死如歸則  
其達可見也夫其質之與靖先生其性也至如廉之與  
達也抑亦學術之練與性成者邪壽碣已成矣命不佞

作銘不佞不文奚足銘於先生雖然不佞於先生也乃師乃友相見莫逆三十年如一日焉是可以辭乎遂銘之曰

坐壙而賦詩其若人之倫耶優游卒歲壽考未垠不朽者遺文在焉又何裔曹之因耶

寬政甲寅九月友人江戶島範撰

送天沼子濟序

自江戶至平安其所歷州十為驛者五十三西南諸邦凡四十餘朝江戶之路各由之江戶之人士與羽東北之邦關以東之士民凡以事往來平安浪華西南諸邦者各由此路西南諸邦之君各謹侯度而觀若就其藩